

沅
湘
耆
舊
集

沅湘耆舊集卷第一百九

新化鄧顯鶴湘皋編輯

長沙毛國翰青垣校訂

吳蘭柴樓七十四首

樓字季文號蘭柴新化人乾隆丁酉拔貢生老於
場屋卒以明經終先生爲建軒進士母弟時稱二
吳又與同縣孫石溪學博齊名稱孫吳才氣橫逸
不可一世褚筠心學士廷璋視學湖南時稱其近
體詩爲七字長城其過許州詩有云紫髯白馬來
江左大耳眞龍落漢中受禪有臺橫夕照分香無
塚向西風盛傳於時然非其至也他如過盧溝橋

沙洲老有身 卷第一 百九
云秋水橋邊波乍起夕陽樓外葉初飛送余存吾
太史北上云長亭四馬衝秋雨淺水孤帆挂夕陽
登邵州城云風生資水煙光碧秋老龍山石氣清
皆老到有風格先生才贍命隻性簡傲多所凌忽
晚應鄉舉爲監司某所辱發憤卒詩稿散佚著有
地里釋未成書

送周四麓樵歸湘中

三里河邊水大通橋下流解纜及秋日與子同歸舟
在首夏旬日爲夷猶豐臺折將離信誓期無愁柴車策老
驥去去不得休霜清盧溝駛月淡滹沱浮河濟水東下太
行天西頭暮雲失銅雀舊縣分陳畱懷古正慷慨肯爲行

役憂曲沼魚瀟灑翠樾鳥啁啾信知聚處樂幾日同慈慈
會面當不遠惜別心悠悠

送周素芳之任建水

女蘿纏兔絲金鍼引磁石漾水入岷江萬里同一碧平生
素心人離居里未百正如雙龍劍分飛各一隻孳尹圭特
達金闕早通籍驪駒唱湘水釋褐在咫尺那知百里道握
手情脈脈清言祛垢氛析理窮變蹟激湍入銜盃深林畱
岸幘聯牀風雨多談笑寧稍隔悵望滇池行遠躡王喬曷
竹馬孳嬰兒世事罔不獲所嗟天南垂無由奮六翮愁心
在君懷隨風入晨夕

酬孫衡舉索和武昌幕中寄胡樸園之作輒次其韻

寄呈樸園暨周簪漁兄弟

有序

乾隆辛卯之秋余從蘅皋得交胡樸園及周簪漁兄弟彼此情好甚密戊戌北上樸園菴樵會都下日夕過從無間而簪漁蘅皋皆在武昌幕中每談及未嘗不娓娓難釋也余既放歸蘅皋亦去武昌南返示余寄胡樸園詩章并索次韻效顰之曠信在大方而同憶潭州之遊歡會邈不可得此豈當時所料耶雲散風流徒增悵惘而已况乎身世之交蘅皋寄情禪悅時命之感深矣毋轉念又牽於塵鞅也

邇來捧椽筆翹首慈恩塔
彈丸新詩就郵筒達奴鴿
攤書日便便被酒時嗑嗑鍊都
咄覆瓿草玄笑投閣辱惠陽春

歌樹賦老兄答碧海鯨魚掣金埒龍媒馭鳳闈崑崙術
雲叩閭闔未得息拗怒何由縱騰翮帽分管寧卓屐學阮
孚臘泛蓮人王幕解懸下徐榻府主費招攜良朋快遊拉
心愛付蜃蛭物化成雀蛤倦遊林颺颺懷歸雨颯颯夢嚙
已迷藏酒醒亦狂盃歲月白駒馳榮華朝露盪翠蘚出文
楸青壁懸酒榼玉池蠹書蟬長缺鏽劍臘燈炷短檠移衣
舊重籠搭何當暢優游底事神吐吶詎有驥尾隨許作干
將台紫色造玄黃皇華亂鎗鞞雲龍情已洽王霸道仍雜
西京東洛贖晉帖唐人榻砥硃窮雕鏤款段困匱而汲古
繩未修濟齒羹可嚙蚪蚪噪井幹鼓籥鬧闔闔小周引柴
車髡胡穿革鞜雅素各纏綿雄才紛逾遞瓣香待宗禪塵

尾誰伯黠相期阮門前翩翩羅毳衲

秋抄同吳秋陽登雙清亭

導漾白蟠冢維江導自岷朝宗海爲帝江君漢所臣滙資
邵水北郡縣各相因都梁合夫彝資乃沅湘倫龍山倒澎
澗四尺流河身正如大府主人座延嘉賓截江立危石孤
亭出青雲澹漏秋日微風佳氣新綠蘿罩塔頂黃葉連
城圍石門懔嶮翠白雲高嶙峋昭陵七十峯散若積辛屯
所隣讓衡嶽不得當南巡瀧頭屐估宦仙源迷問津遂令
大澗澤里開供繫蘋竹枝唱夢得愚溪記零陵此亭白千
古題筆知誰人臨風發慷慨含意何由申

資江晚渡

打漿渡資岸水石流碑瓦薄暮江煙浮蒲帆向林樾清溪
隨解纜雲岫互出沒昭陵七十峯天際露毫髮涼波灑澗
本隱見蛟龍窟望舒乘金根翠蕤光恍惚霽霧入陰巖古
查帶浮筏須臾沉大火孤嶼噪蜚蟹漁歌動岑蒼野廬添
櫂柁口晚行人稀舉頭見新月勞勞感行役朝昏理布襪
行當歸田廬青山事耕墾天祿富文史蘭綺懸眉厖升沉
會有時書空無咄咄館頭津吏迎征夫問明發

登敏州懷古

君不見桓侯廟裏綠沉槍卓地得泉成方塘君不見邵州
防禦南渡中連橋飛閣倚東風爾來盛跡皆銷歇賸有長
橋渡江月覽古重過雙清亭石壁餘初露山骨紅泥亭子

資江頭橫空飛出夕陽樓山城卷畫一帶水蔚藍天色連
江浮小艇亂流何處來水荳一丈波中開酒旗颺酒樓
出仙人飛下金銀臺憶昔邵陵街頭磨鏡客曾從太平寺
裏畱陳跡物外餐霞人不歸鏡光一點成何益開福寺五
臺庵塔影北亭影南檀樂修竹柳毵毵赤鯉化龍蟠此潭
松陰久坐小徑諳長歌擊劍酒半酣城鐘已動猶高談待
與彌陀共一龕

謁張桓侯廟遂題門樓

仲宣依岷首武鄉臥南陽佩驢雁鷺集威鳳高翔翬雝陽
劉子初不就荊州碎昭烈從如雲乃爲魏武客桓侯萬人
敵雅素托文史擇君同壯繆君臣其生歿三傑蕭韓張季

漢還媿美策命事昭告子初文人耳如何大英雄詆諆爲

兵子憶昔當陽據斷橋橫矛瞋目風蕭蕭阿瞞股栗馬東

首五千精騎心搖搖巴東戰多又巴西蒙頭盪石喧鉦鼙

南鄭緣山走張郃蘭筋綠耳空長嘶西鄉錫爵兼司京閒

過涪縣記題名刁斗銘成愧文士黃鐘大呂聲旬旬零陵

略地經昭陵曾向南譙試一凭樓頭七屬雷犀甲傳聞耆

舊猶緘滕廟前一水清入骨長矛卓處涵星月手持杯玦

托幘幪許我移家黔一突

余時方卜居六嶺

浮資沂邵恣洞沿大

樹蕭穆依壘撻當年延接喜清流一曲神絃當肥臍撻金

擊鼓聲喧匝廟祝睚盱香飴餗迎神送神當有敬廟貌只

今新突兀

戲馬臺歌

沛公隆準臨中夏項王亦是重瞳者驅兵西向決雄雌虎
牢成皋若平野衣錦朝遊泗水邊烏騅秋戲彭城下徐州
豈是帝王都褒斜樓道爲坦途韓信才堪爲執戟將軍空
自用龍且稜稜金甲收秦隴只有英雄劉寄奴那知失策
棄關內沐猴千載如同符大江北來逢九日少年意氣生
斯須戲馬臺前一回下一擲百萬呼擣捕千古興亡盡復
秋沐河東去到瓜州隋堤楊柳皆零落賸有關情燕子樓
重陽後六日同申蓮浦買舟遊君山覽舊蹟晚載舟
而歸迨抵岳陽樓下城已扃鑰矣因宿舟中

秋老天高湖不波木蘭雙槳搖漁歌岳陽樓中已沉醉擎

舟進訪君山阿軒轅張樂洞庭野二妃又葬君山下鼎湖
龍髯不可攀九疑連綿淚空灑前山後山斑竹多欲薦瓊
芽不盈把湖中孤嶼青濛濛湖波蕩滌山根空壘梁且闕
學龍女天吳擊鼓馮夷宮夕陽西下幾萬里羲皇知在重
湖中元氣溷洞收不得只疑上與天河通中秋已過月又
圓主人安得無酒錢風光若此不成醉縱使無愁亦可憐
叫箭沉沉漏聲咽叵羅進酒酒鱗凸舟中枕藉半醉醒爲
報嚴城已扃鑰

孫蘅皋以褚筠心先生弄雲琴歌屬和次韻同作

絲桐落手琴心冷洗淨淫哇羣不逞曲成吹作步虛聲一
覺游仙夢初醒蘅皋孫子吾同門爨餘焦尾昏風塵拂拭

零亂聲價起知是吾師目所存廣場已疊藪馮席曲宴亦
倒彭宣樽十五年來一回首瀟湘之水嶽麓雲鐵山前輩
官西蜀血碧心丹事顛覆弄雲絃斷王父琴變徵羽聲翻
幾曲古臺寺貯三百年足音何處來空谷滄浪亭上覲仙
蹤養真軒內畱遺躅雲孫太巖丙午秋潭州好是仙槎畱
馬尾火頭天漢客藏雲正待仙人收囊琴對客親前席反
復此言三太息江南風景欲愁人况聽清商淚沾臆詩品
難論初盛中吟詩分作清秋蟲瘦語恒將托壘曰碎事有
時微鞠通斐然大筆百斛鼎郵筒飛度吳中鴻手披腕脫
口流沫早涼時節春融融凡仙非幻人爭說幾輩相逢頭
并白可知天上謫仙人至竟金相和玉質長洲綿邈茂苑

幽短薄荒祠連虎邱縹渺峯頭鳳凰叫那知不有雲旂遊
攜琴彈向太湖水成連海上應相酬懷仙神物當化鯁絨
詩遠寄浮江投

酬楊蓀圃見贈原韻

箕口高張偃牛斗天遣沉淪投甕罍無才可忌人相輕此
坐輕人定非偶京華巨公人中豪凌轡漢魏追風騷澗花
溪毛玩綠淨何年許盼揚州濤平生衣食困奔走錦囊一
字曾何有坐令七尺昂藏身破盡精神營入口從君夢出
大槐宮瞥眼仙人東海東石屏御路泰山頂下指齊州九
點空資陰小縣人爭晒蠅聲時時出竅蚓就中蘅皋真異
人外論頗問怯孫臏早歲裁詩濟水邊瓊函遠寄來湘川

十五年來一迴首文章何處收青錢山城里耳喧箏笛詩
成算有楊無敵茅齋新製烏絲闌研山鈔就芭蕉滴

喬口

澤國淹晨夕茫茫發旅愁湘雲迷北望湖水漲南流市有
魚蝦集人爲雁鷺謀嗟予困行役聊復對滄洲

要識沉沙意懷王入武關臣惟將死報君已不生還豎子
張儀計妖姬鄭袖髮感恩容起草風起淚潛潛

明月夜郎西東歸下武溪樂章調玉笛幽憤動金雞算有
行騎鹿渾忘醉似泥猶憐瘦工部李杜舊名齊

夫國山河在移家鬢髮蒼舊君思獻賦好友憶登牀詎欲
依崔煥聊爲避段璋天將作流寓文采動三湘

自改陽山謫江陵此沂江長歌寧有幾明月定無雙河北
能驅馬潮陽再下瀧詩人信餘事百斛漫爲扛
南國李賓之流傳樂府詞保全周士類開濟在明時不耐
求題筆那堪或獻詩草深迷賜第懷麓有幽思

文斤山

邵陵分郡日仙令在高平縣古浮雲合城荒嫩草生挂冠
餘俗美解組得身輕嵌空雙石洞長對暮山橫

石榻臥晴煙嶙峋依碧天竹林香自遠松蓋影初圓篋可
移陶侃刀堪贈呂虔何如守丹鼎趺坐藥鑪邊

參同誰可契牝牡石猶留華表遙歸鶴瀛洲遠泛鷗蒼苔
迷古蹟紅葉送閒愁有客窺方鄧還家已白頭

沂州耆舊集 卷一百九
八
辟穀歸田計雙鳧踏夕陽巖花分冷豔山雨逗輕涼紫氣
逢關喜圮橋遇子房盧仙同此意先占白雲鄉

汴梁

征旆悠悠繞汴宮大梁佳氣鬱葱葱河流北走來天外山
勢南纏接土中艮嶽荒涼花石散繁臺零落管絃空憲王
樂府今多少昨夜雙鬟唱未工

過常山

金風天半弄新晴畫角聲喧客遠行河北高原連趙魏山
西秋氣接幽并日邊斷岸滹沱水煙外危樓正定城小艇
亂流回眺處長隄疎柳暮雲橫

磁州道中和周素芳

客裏思家及早秋南中風土見磁州綠楊十里人初散紅
稻千畦水亂流趙國故宮衰草合鄴中荒冢暮雲浮年來
舊蹟都消歇輸與山人作釣遊

邢台

山河割據有遺宮襄國驅車逐曉風本紀臥聽真妙悟都
門長嘯是英雄輕煙北散邢台遠遲日東升大陸空霸業
似沙飛欲盡至今猶想氣如虹

水仙花

霜前霜後欲開難山意衝寒動水官靦靨偶容窺玉貌洗
妝知是重黃冠漢臯一去人何在洛浦重來夢已殘貝闕
龍宮不相見凌波爲意步珊珊

酌酒與楊三叔玉

襖被相攜出楚中，他鄉聊喜一樽同。
佳人何處彈瑤瑟，美酒誰家注碧筒。
萬里晴雲迷曉月，一天清露濕春風。
鍾情我輩成孤負，夢裏黃梁色是空。

渡黃河和周素芳

露宿平沙喚奈何，停車泥淖任蹉跎。
管寧悔過知誰並，唐介裁詩漫自多。
兩岸燈微迷廣武，一帆風正渡黃河。
天公老眼憐吾輩，又許長途作短歌。

和瓊珮晚眺之作

野外東風灑石泉，板橋流水一溪煙。
春光冉冉飛鷺地，暮影亭亭放鶴天。
混世人間腰下劍，傾家不少杖頭錢。
多情

賴有驚人句書閣誰能草太玄

夏晚洲自衡陽以簡林半霞檢討詩見寄依韻和之
短檠秋夜地香燈遠道書來得未曾身世正須千日酒官
銜何用一條冰長源芋熟探衡嶽元亮桃紅入武陵道氣
濃時丹汞就地行仙籍許新增

名成何處問飛騰未絕風流躡展能水泛湘煙低淥口雲
開嶽日上朱陵黃楊厄閏休全信喜鵲聲高莫浪憑但使
姓名畱著述不將金爵憶觚稜

夢中得韻聯枕上足成一律

地鑪溫火呼小奚膽瓶紅梅開已齊晨露湛湛欲濕月書
窗渥渥猶啼雞琴檄映日日始旦劍鐔倚天天爲低春光

沈清言舊集卷一百九
一
澹沱出門去渥洼千里飛霜蹠

九日次家秋陽韻

不負登高九日期前身應是陸天隨風生弔古桓侯廟日
淡傳疑召伯祠曲港同舟魚躍處橫塘打槩鷺飛時忘機
直到囊羞澀遮莫離東颺酒旗

和鄧南坡遊雙清亭

冶春時節撰芳辰放眼亭皋物候新且對湖湘醪醑酒一
拋京洛軟紅塵楊欵曲水指金鏡花糝平蕪點繡茵便可
長吟消永晷敢言餘事作詩人

砥柱危磯倚郭東青苔一徑馬纒通侵人水氣生亭上留
客鶯聲落檻中卽事興移催響鼓詠懷詩就走邨筒相將

公問江山主丁卯橋應幾輩同

寶珠山茶

寶珠何處買天工幻作冰容壓絳幃只好玉人欺白雪誰
將靜女嫁東風綺寮春動朝煙滿綃帳寒輕曉露融懊惱
東施憐姊妹豔妝分出一枝紅

九日瓊珮見過

探得黃花憶舊遊去年曾共醉湘州此來重有登高興相
對翻爲萬古愁遠塞斷鴻催社日寒波落木作深秋入錢
何處逢名士霜氣稜稜臥阮修

時瓊珮
方喪偶

和余存吾太史雙清亭讌集元韻

懶倚眞成涸轍鱗曾依寶筏渡迷津歸田自合畱遺老泛

宅何妨暑散人屐冒女蘿山鬼嘯篙牽文藻水神瞋江鄉
身世天仙骨且帶苓簪把釣綸

水閣風多暑氣微白鷗浩蕩亦忘機盃連柏葉經年合絮
落楊枝盡日飛詩債每愁胥長鬧談鋒誰解小郎圍百壺

幾度陪清燕拌醉江亭緩緩歸

先生與存吾太史友善此
題凡四疊其瞋字韻云雨

際負心鳩婦怨花陰偷眼伯勞瞋渡口艤舟嬌鳥散潭心
擊楫老龍噴銷愁酒滿腸猶熱懷古詩成目盡瞋語俱佳
妙

長沙懷古次麓樵韻

南中清景說長沙澤國來遊紀歲華吳芮非劉容僭號馬
殷爲楚亦傳家南雲暮合濤聲遠北郭秋深樹影斜往事
未應生悵望心期不負有黃花

岳陽樓

危闌千尺倚高城勝景蒼茫極目生萬古蛟龍浮水氣二
妃環珮冷秋聲溟溟殘照帆檣出歷歷寒空島嶼平獨念
左徒哀未絕欲從何處薦香蘅

東枕巴邛俯漢川望中縹渺見湘煙黃陵花落湖邊月青
草波平鏡裏天唐宋題名人幾在荆吳遺憾事空傳君山
一抹青如畫不待登臨始慨然

吳蜀中分勢倒迴振衣憑眺幾徘徊空傳靈蹕浮湘水不
見雄風上楚臺帆影斜侵歸雁迴笛聲吹裂老龍哀煙波
萬丈頻迴首詩興蒼涼不易裁

酬家秋陽張蕉園別駕過訪有作

小隱何當作反招還從壯歲賦鷓鴣只應旅夢隨秋散安
得清愁對酒銷雁候天風書不遠槎頭海汐路非遙飛鳴
會有冲霄日一任空林百鳥嘲

少風波處便爲家擬買漁舟玩歲華淨綠煙空澄止水小
紅雲破射餘霞河橋楊柳年年樹江店芙蓉處處花屠釣
由來藏大器况傳書畫作生涯

秋日登雙清亭

城頭疎雨點衣斑滿耳蟬聲在樹間剛是一年秋好處阿
誰攜手上秋山

中年憔悴是離羣郭北來看水上雲衝雨遊人能幾證天
教分付與斜曛

一拈佳句一同新筆落慚非風雅親猶有少年餘狡獪不
堪雙鬢已如銀

老去心情淡似煙登山臨水卽欣然雙清亭上初來日強
指於今四十年

送樸園南歸

廣陵門外萬垂楊瘦馬停鞭醉幾場塊壘有時消不得天
涯今是五端陽

舟中雜題二首

初日曛曛野渡前湘流曲曲繞湘煙東風肯爲歸帆起莫
道離家只半年

潦倒風塵四十秋只今解道不須愁年來如許京華夢靡

得還家是黑頭

慶豐閣

東便門前上小舟
早涼天氣入初秋
便將二閘東流水
一洗胷中萬斛愁

蘭若遙看隔水紅
幾人游展落城東
軟塵半載欺僮父
好向金仙問坐功

溪頭水暖鴨兒肥
笊簪牽風挂釣磯
畫我荷鋤來渡水
小身消得薜蘿衣

卓午停舟解纜牽
西山落手翠連天
金魚笑爲當壚解
周素

芳初得建水時
爲訛遣主人肯使空囊涇酒錢

題夏晚洲煙江一葉圖

艇子衝煙面面風六更清露濕空濛米家書畫船來往夜
夜滄江月貫虹

東風日日長蘭汀燕子紅襟盡作雙衆綠有帷容小泊恰
分新翠染蓬窗

板橋香店短色籬澹沱春光賜酒旗柳下維舟一憫悵年
年三月雨絲絲

溶溶春漲鰕魚肥桂楫尋春白袷衣料理馬曹知有暇便
應來守釣魚磯

蓬萊何處覓應璩小酉山中許校書從此扁舟載遊屐不
將身世落樵漁

記此吳初入太湖江鄉逸興滿菰蒲遠山一角春波外可

有黃王合作圖

朱仙鎮懷岳武穆

和議真羞社稷臣文章兩府漫垂紳藁街肯肆王飲若臣
妾能包尺五巾

宗爺已去岳爺來覆轍汪黃是禍胎一沐二枕終到海北
人南去不勝哀

蘭亭摹搨費摩挲大內光陰莫空過治獄幾曾書玉押紹
興宸翰有誰多

上首愁將膝襖親得加王號國封申鐵鎚莫浪推秦檜曾
是臨安一德人

張韓劉岳亦齊名醉擁張璠亦有情不道金紉輸歲幣肯

鬼猶自隸精兵

銀瓶烈女殉親亡
兒子雲雷其慘傷
至竟媿鄰還有錄
一飛無父墓田荒

趙宋山河委暮煙
朱仙鎮上草連天
當年不醉黃龍府
老死西湖亦可憐

宋臣遺像肅清高
肆雅投壺氣自豪
舊憾可能隨逝水
神絃襄罷雨蕭蕭

無題

天風飛下步虛聲
幾輩登仙到地行
調笑許纏容注籍
欺人終是許飛瓊

屋梁時有素雲封
薄怒初持斂玉容
癡夢生憎訪婉孌
幾

曾真箇到巫峯

錦機那用石爲支
叵耐君平黠小兒
河鼓天桴自碎
磁誰人七夕有佳期

藍橋剛理合歡牀
辟女俄傳肘後方
玉杵本非天上物
笑將甌水領裴航

沅湘耆舊集卷一百九終

沅湘耆舊集卷第一百十

新化鄧顯鶴湘皋編輯

湘陰左宗植仲基校訂

周半帆錫溥七十三

錫溥號麓樵又號半帆湘陰人乾隆乙未進士官
甘肅寧朔縣知縣有善政嘗奉檄至鄂爾多斯阿
蘭鄂國王諸部窮邊異俗都入歌詠得矢詩告哀
之旨以憂歸不復出尤善古文有安愚齋詩文集
沒於水遂失全本秦小峴司寇瀛按察湖南時嘗
求其殘稿序之其論寧夏漢唐二渠水利書尤可
傳小峴序云予耳半帆周君名久矣歲辛酉司臬
湖南始得訪而見之咨政之餘論及文章之事

獨覺其契於古人者深使我亟然益知其不足也
又云半帆文體高雅開闢動盪聖濤湧雲而議論
一歸於正大其詩思俊拔欣感促舒中提外引而
詞旨彌見其清幾所存雖約皆世之可寶者也

擬古

蘭露被漢皋豔此春陽女織手摘明珠羅袂從風舉芳華
易惆悵歧路懷交甫微詞請我佩將以申稿紵感茲高義
陳爲君久延佇精心託微物不在陳歌舞彼美日以遠朝
華能幾許願言崇明德百年以相與

荊州送孫石溪南歸

甘載聲相和有如輪著咽爾來走天涯兀兀困塵鞅浮萍
不自整漫漶吾安放昨歲君北行消息傳彷彿倉皇失把
袂尺步杳尋丈日斷遊鴻飛傅翼不能兩冬杪得書問賦

幸道東坊上言久風塵燕趙餘慨慷下言隨幕僚約我同
蓮幌獻歲採湘蘼經旬歸巴嶓相逢各迢然掬喜到眉顙
袴褶君信佳芒屨我差強沉牛賽江深請佩睇漢廣臨風
感橫梁覽古嗟稅杖搗冰荆郢暮瞥見霜雪爽數起循刀
環具知理烏榜此去慕歸休發機真勇往巡簷鵲噪聲候
門人語響洲白可誅茅山青聊拾橡坐膝置文度畫眉類
張敞稻香雪翻匙酒熟雲滃盎耐可供著書屋梁時一仰
喟余叵故歡瘖馬立殘仗思家既迢迢念子亦養養底須
三語掾要乞五湖長阮土隣東平杜亭卜西瀼千奴緡可
算二仲駕相枉綠傅鱗時鞬紅拋醉中網樹木須十年蠟
燭幾能幾網對此終茫茫何由慰遐想

示家人

去歲東南乾十室九未獲平生百本書不值一藜藿踉蹌
出門去輒作數日惡積食兩臙車返哺亮已薄稍喜今年
來元氣起羸弱歸與埽門徑如水得返壑親老餘年匪兒
嘻弄餅餠昨宵醉頭雨融液如酥酪安排話團圓莫令感
飄泊冬鼎爾能供春鴻我可臞未須萬錢廚但要一餉樂
行當出餘裝待明理蠶箔示君應大笑複禪儻可著

三弟雨蒼亡八年矣承鄒方亭五丈許爲立傳賦詩

詩二百五十字以道意

少時鴻雁行鼎鼎一家慶持將寸草暉植此嘉卉并三弟
我叔慈在座珠玉映伯仁非鳳德不待投蠟競憶昔麓山

遊屬有編紵贈雞壇盟長衛駒齒班後鄭君時遙語我法
護最清令詩憐走馬成色鑿苦李淨方將騰上速豈意摧
折橫終軍纒弱冠衛玠早羸病念我空餘生不得代子敬
從茲幾春夏萬事輕墮瓶蕭條狐狸穴淩絕風雨聽芸函
時一啟跡若手新瑩蠻箋十樣殘古錦一囊賸長恐就埋
沒編刻心未竟惟君素鍾情眼底閱衰盛尺波悵東謝銅
山臧西應昨來履綢繆感嘆淚交迸史稱閭巷士驥尾託
後乘成毀古有數風流爾何罄願因君集中磊落見名姓
無忘青簡惠懋此北風勁膏燈照泉下我弟亦蘇醒因歌
代短書激楚不成詠

萱草

朝樹忘憂草夕佩不愁木愁亦不可銷憂亦不可卻何況
百年間渾沌自相鑿一身爲漏卮尾間洩溝壑紛紛爐鼎
間何從候朱雀古之列仙儒內外皆鍵鑰皆滅可休生養
命有中藥

有以山谿春種圖索題上無款識玩之則吾江南農
田中小景也感而書此

春田刷山腴引腴旁有溪平疇一鍾水下浸五斗泥泥深
草根腐水滿新秧齊農人拖翠雲萬朵分畦畦萍葉濼濼
浮春鋤拍拍嘯三載朔方吏農候與此暎凍甲有時圻不
稱鍤首攜使君繁華眼長向春風睇視土愧無術撫景誰
能題

我本山中癯有田介陘農言雖未習南畝足嘗踐土膏
深起鑿泉脈細通笵耕種一已畢終年飽精騰自從通籍
後心迹兩違遠既蒙竊祿羞翻令本計外搔首坐無悰晝
本此焉展空堂微雨過老夢晝屏偃如聞二三友訊我歸
田晚我今猶未歸逡巡待考滿呼兒理行勝得請莫辭懶

寧夏採風古體八首

并引

鄙人令寧朔五載矣簿領餘閒與斯民相見問勞獎誨
爲之宣上德慰其疾苦而懲其末流亦吏職宜爾也
竊念朔治郡城故揭郡名於篇著一方風土之會云

沙離田

我求更吏考治賦無寸長常恐民力絀勸課違其方弭節

原上村父老相迎將舉策謂父老念爾愚不明不見古王
制三耕備一荒李愷漢趙過農政斯精詳節宣事在人有
腹爾自量怪底歲比稔猶然無蓋藏而反累守宰不得充
官倉父老拜且語語多情慨慷自言農家子銚鋤日日忙
此地多硝礮春潮凝若霜腐根不出土嘉穀無山芳又有
河墻地風沙卷雷風往往萬金產廢爲狐麋場黃流况屢
徙拆隴如排牆君看數種田猶科見在糧其間可稼處馬
體中毫芒孤莖出蕪穢赤立凍不僵沙灘之所救隄堰之
所鄣耘耔之所壅豚酒之所釀上熟畝盈石中熟六斗強
最下升與豆子本安得當腰鎌事未已吏牒紛在堂松花
厓朱繡標識森成行色色著我名云我有田莊無田自備

力有田苦膏膏典質納官緡緡盡微不償愧荷使君語生
事終茫茫余聞搔首歎茲實古塞疆薦收此乘旺金饑木
不壤百世變衰落五種無精良安忍更鞭箠乘危扼其吭
喟彼好事者乃云魚米鄉斯言孰傳播重爲吾民傷

稂草稅

邊土亦何瘠罷民心所矜坐視中澤鴻嗷嗷待西成西成
無常熟國賦有定名夏麥秋穀粟二豆莞與青四色分兩
稅畝入斗二升析爲子母耗芻束相因乘慶租斗加六制
課尤不經人牛輓運勞每兼百里程其餘減則地五稔纔
一登差徭復叢集與田爲重輕計彼平歲獲奚翅大半征
況又科所無殘喘何能勝爾絲吏有職按簿事敲榜米鹽

絲碎密瓜蔓紛鈎縈不悉入者寡惡知取者盈我聞前明
日置屯此邊庭沿河九衛所一習戰耕軍三屯戶七十二
丁資一兵取足俯芻糧歲收算其贏地利旣殫盡百役資
繁興軍操著空籍賦額懸逃丁撤派事紛拏包賠議沸騰
善哉朱笈疏一字一撫膺自非身木石安得頑無情我
朝覃天澤深仁被邊氓蠲賑若山積休養致太平小臣來
吏此纔閱五歲呈前春豁逋欠今歲仍減徵巍巍覆載恩
守宰親奉行時聞諸父老感泣以縱橫

渠工稅

黃河富寧夏諺云天下黃河富寧夏水利天下無封畛錯如雲利盡
十萬區我朝繼唐漢增置成四渠口以引其源梢以達

其餘塋以防其逸，岡以揚其緒。正闢置橋閣，橫貫爲中樞。
隄蟻有時穴河沙，多積淤。春工歲歲鳩口算，年年輸龍見。
始戒事微之司馬，符十畝三束橐。葦圍紅柳株折色，又一
籍稅皆準於夫期。會清明節土膏始發，舒箠箠集蒼赤邪。
許窮朝哺程工一月畢，十空而九瘖。巡工爾何人，官吏清
且都我亦同斯役。屏營以歛歔，念此數年來備鋪萬指俱。
干緡供一擲，豈復論銷銖。崩潦激倉卒，兒婦仍嗁呼。積薪
嗟不屬，含哽何時紓。所以供役者，但有瘠與癯。日或不再
食，衣結無完襦。其間頗逃亡，飢寒非彼辜。古人重地利，溝
洫有成書。利什害亦什，更迭爲乘除。借問兩黃鵠，反乎與
覆乎。不見艾山北，故道今爲墟。

堡渠長

周禮置六鄉治具何其縉州閭族比鄰一一備官屬漢時鄉亭職三老最尊宿其他斗食員頗亦資教督自從保甲行無復在齒錄徒有負弩勞而無儻石祿官既賤其人人亦恥其役朔方屯戍地四塞兼水陸一堡置一長渠長爲之副厥初在得人明信兼約束後來日流失抗敝寔爲俗額缺更承充充者半貪黷堡政號殷繁渠工亦奏轆往往徵調時花名若星簇公庭持手教寄之爲耳目謂可制吏胥吏反緣爲壑一差蔓十家以次相魚肉卻署逃亡籍林藥試鞭朴豈知民脂膏狼籍飽其腹邊地本疲癯 聖恩此亭毒採新實廩固放舊起顛仆况又委任之欽散從

其出正使坐姦賊豈足償嘆哭更兼絲與粒國計關錢穀
坐令百年間積逋不可復此輩相依倚善幻如轉軸頗能
知短長不省顧榮屏木摩木則然水濟水則覆絲失狂者
素弓離榮者曲微詞勿復陳比類在君觸莫待熏灌窮始
勘狐鼠獄

賣兒詞

昔聞有林回投壁負嬰孩謂此天屬者千金何爲哉乃知
至性恩不以患難乖顧惟蚩蚩輩自絕其根莖等茲毛裏
愛視以貧自媒不見買奴婢都向寧郡來小者齒方齟大
者髮覆眉父母牽就市相望何纍纍借問若干值一緡三
歲奇婢價小復異盈盈上頭時兒嘯父不念兒去母不思

但云紇干雀從爾好處飛好處定何處此離卽長離鄉夢
久應到生小魂淒迷別有市僧徒剽販轉東西兒身已無
蒂兒命當屬誰人家養兒女三五成冠笄綢繆六親誼珍
重百年期其歌有與樂其哭有與悲婚嫁而論財識者爲
鄙夷矧乃棄其身有類貨豚豨啜羹與放麈試以仁理推
憶昨爲粥日有婦老且嫠自言身有子典鬻無子遺只今
一身在微命懸如絲同頭賣兒錢撒手風雨馳溫飽能幾
許不死仍苦飢未知吾來否惇獨無人攜余旣感斯語已
乃喻遣之不聞烏負屨銜將甘草貽不聞蛩母慈仍有反
哺兒微物心尙爾爾當轉自噬徒令植山曲終古爲酸嘶

兩番部

漢皇始開置徙民實新秦遂收四郡地賴此爲本根當時
走白羊依山繕城垣雖云阻一面三面垂在邊號爲隔羌
胡羌胡滋蔓延西北固饒塙種族蝗生蝻自周無上策何
論漢以還棄之弱三輔守之孤外援破完補一敝其勢無
瓦全緬維前明日遺事可悲煎奈地何么磨穴此井底天
東馳迴環慶西突連罕并此間大河險蹂躪爲通津并蜂
起肘腋掩兔不及奔時聞出賀蘭殺人潛草間已復入村
保搜牢搜牢從漢書音義作去聲讀無一存爾時疆場吏豈無汗馬勳
理國如理絲哀哉值其勢我朝大一統封域極廣輸自
克噶爾丹已滅河朔屯蒙鄂謂蒙古鄂爾多斯兩番部內屬爲世
臣轉借彼死力爲我除荆榛迄今百餘歲膜拜奉

一尊平靈數口道明制表闡明

詔許通互市弛禁薄

其縉王公大貝勒

封爵被

國恩主之藩部郎王節

乘輜軒賞功馭有罪動息必上聞治以中國法人以中國人小臣備職守日睹想所因自古聖人世分土無分民有如馭驛馬銜策令其馴又如哺雛鷇七子養則均馴由

天子義均由

天子仁美哉此道行萬古無邊塵

栽絨毯

蜀錦濯始成吳蠶浴還稚何如西鄙人畜牧爲耕織劍閣古幽原裘褐皆有事聖人盡物性因土布其利斂皮始周官供毳較精細大旅設氍毹案時用贊殷祭然猶令考工淫巧防其繼漢氏定西域方物入圖記紫綬紅氍毹毼毼百

種罽至今資服玩寧人便體氣寧夏有栽絨毯中最珍異
吾今稽其法乃古氍毹製工欲操奇贏增妍出新意經以
奕脆旃緯之木棉縫或又朱其粗杭產乃最貴屈蟠龍鳳
文花樣四時媚購者動千緡巧宦與豪隸日索日不供尺
幅萬指萃厥用在何許不中衣與被但云園墅勝主人此
高會懸囊帶綺圍重褥薦珠翠別有大地衣弓笏肖規制
粉裙亘若雲輦重不易致土木被衣繡服妖從此熾不然
則人疴心其有惑疾五載窮塞垣民瘼多於蠅而身此悠
悠頗得衣租稅底將有限供趁此無窮費寄謝三數公無
爲棄菅蒯

小蕩子

近代有歌兒其名曰蕩子翻新出色目非優亦非妓不知
夫何時便串作嚆矢郡中產尤多挾技走都市公餘集賓
僚百戲盛豪侈當筵召之來媵媵齊稚齒巧習內家妝垂
髻釵鳳紫偏諸小紺袖纏臂金約指艷能置正中步搖行
且止老郎抱琵琶對客據搯几玉撥風中挑腕下何奔駛
維時瓊席間橫斜不盈咫嬌喉初引聲延鷺爭注視三聲
歌未畢擊節爲驚起上客親點籌斜行白團紙曲終索纏
頭四座紛填委更鼓夜未闌主賓情未已我本非解人隨
衆相諾唯擬將紅豆記漫以香儉比豈知聽三終嘔噦逼
心懣邊風故清雄立教須正始胡不唱伊涼澆澆留犁七
胡不唱隴頭梅花驛邊使皇琴一嗑然古調嗟已矣

夷陵覽古泝黃牛峽口迴船作歌

蜀棧峨峨不到天大江爲戶山爲鍵碎訇下峽數百里勢
與元氣爭吐吞夷陵古戍鎖鈕壯九龍酣戰開藩垣循崖
遣載行艤子要駕赤鯉驂玄龍邈迤上黃牛三朝三暮牛
依然山之縱橫婉嬾不可以意度上有神鬼騰蹕空明間
離堆鑿後無巨手至今此地多哀猿昔者陸鎮軍云是吳
西門步闢故營偃殘月想見鳳皇天璽年阿童小子真戲
劇鷓首聚怪驚夔嶺三山徑造節迎刃坐令精鐵一炬隨
飛鉛陋哉建平守抗疏增守屯武安事往同一啣不見野
燒畱秦痕李流孟利競牙爪掎角只爲賢者先我記昭邱
來賽江訊筵尊是時風雪暗如海符籙掀簸無穩眠今來

慣見頗覺心眼快安得劃水徑渡如飛仙歐陽南遷一夢
到長慶舊碣三人鑄興酣振舵喬木杪星月下瀨烏尾懸
水村山驛白浩浩兩膝高踞風輪旋呼童取具軟腳酒試
將芥蒂爲洗湔下簾支枕清睡足朝曦已破荆門煙

發襄陽

銅鞮坊門夜不扃箒車銜尾鏘風鈴市兒自勸宜城醞客
心先發桃林亭桃林飛花著楊柳老綿薄俱飄零飄零
不繫紫遊絡盪爲宛轉波中萍九衢塵高我行晏古錦一
束隨僮丁纜絲解風枯弩疾藻劍刺水蛟涎腥劇憐峴首
不忍別懸崖綠浸玻璃屏漢皋一曲展幽盼明珠三五何
娉婷微波未託淚盈把坐令局促啞江靈臨風回首浩三

嘆吾以二月揚帆舫冰澌初解河腹凍草色記沂裙腰青
睢漳南注見鎖紐褒斜西望通渭涇長筴牽挽緣斷鬻雲
合不辨來何經卻從去後想遊歷夢迴山水餘清冷興酣
起捉如意舞百年有若物寄瓶夕陽天外荆口成指點行
色雙鴉翎

均州望紫霄峯作

仙宮霧雨春冥冥電影欲掣雷車轟真武真人玉裝纓空
中丹劍鏗有聲手縮神圖太乙經攝御百怪祛三彭空山
枸杞夜吠鳴不但河車之紫英我來均口眺崢嶸三十六
巖青繞城望不能至心嘆驚小時學道已粗成偶然積夢
黃庭羣官召草新宮銘綺語未盡千劫更忽忽一墮隨

飛星試將尺宅理榛荆
伐毛一洗凡骨腥
問神何由息我
黥舉酒一酌青山青

題戴尉荷露烹茶圖

先生老作淥江尉
有如東野居溧陽
官曹但飲一杯水
手版拄頰凌青蒼
濯枝雨過天氣涼
卻辦布襪隨奚囊
是時綠荷大如掌
波紋嫩澗瑩方塘
科頭箕踞蹋澗石
花氣似欲侵衣裳
呼童瀉露供茗事
玉椀一勺琉璃光
興酣圖畫煩好手
點綴尺素如琳琅
吾聞昔人把金錠
品茶隲水皆精良
竟陵著書亦癡絕
強將泉眼分低昂
百年風物劇漏箭
誰能芒屨谷底尋
康王曇濟道人邀
佛場八公仙體凝
清霜偶持餉客共
驚詫此味豈有人
間藏覽君斯圖切乃

是坐覺齒頰流餘香我生潦倒百無用五千文字空堆牀
邇來微吟語苦澀粹然有得心已忘下簾支枕自嘆息安
得灌頂如瓊漿徑須從君取一瓊蕭齋臥聽溪風長

寄贈鄆方亭六十

我昔杖策麓山阿蒼煙萬仞凌嵯峨皇娥拊瑟山鬼嘯輕
切下翦瀟湘波雞壇落落才者七繡螯陷陣如鶴鷺孔融
過二公始滿正平幼少肩相摩當年意氣百不磨願得相
依同薦蘿頰陽西下水東逝杳如珠散風中荷平生礪礪
萬事拙櫛具作佩隨蹇羸吳關楚水奮蹴蹋只似拙燕無
常窠索米未免侏儒笑濫竽終遣侯門訶羨公早歲謝時
譽樹瓠之鄉乃無何淦陽山中紫礪羸但有斜徑通碾澗

遺音闔淡迨正始古篆詰屈摹光和誌銘斑駁體尤妙崇
執圭邸陳曩儀異時縱觀已縮手况乃十載成蹉跎城南
逢公傾兩蓋學道轉肥頭不僞語酣示我近時筆似去鄭
濫聞雅歌華筵今開第六秩食肉健飯如廉頗從茲編刻
到耆艾發篋須汗數囊駝更聞結習了三昧趺坐自可愈
百疴入水光明定怖鴿六時梵樂教頻伽微生如塵墮曠
劫頗藉妙義清心魔便寄此篇爲印可直恐一粒量恒河
明春乘漲相問訊試將偈語參東坡

蓬草篇

六月上浣余自蘭州循中衛回寧適接府檄委令勘視
香山窰災山在衛城南八十里而至災所幾百里程跋

涉大磧薄暮始至人馬飢罷出錢易粟芻不得訪之居
民則答云山中故食蓬草也持示余有沙蓬水蓬綿蓬
三種食之之法入水一沸漉出之別入水熟以爲羹充
口夕饗餐之具多則乾以禦冬余乃知邊塞間窮民竟
有啖草以爲生者命烹以進則腥澀幾不能下咽而山
民婦子終年食此可嘆也按蓬卽蒿類見於毛詩及爾
雅傳記諸書中三蓬卽三稜蒿也蒿類如菘萁邪蒿味
甘美而氣香者可摘以供蔬然非常食又如博物志中
所載云一種蓬草子作飯無異秬米儉歲可接糧而香
美今山民所食之蓬草皆取根葉茹之未聞有子如秬
米者也則與博物志所記美惡迥異又今寧郡近河論

之諸堡無此草名稱志亦不載或當年地利猶厚山中
人民未盡食此抑其地僻遠非採風所及耶余因勘災
所至目擊斯異以爲雨雹天之常沴而茹草人之奇厄
默焉迴車感愴而咏之名曰蓬草篇用補風土之缺并
以告其縣令胡君息齋俾加振焉亦無可如何之極思
也

金城歸來寒始退凌晨飛騎至中衛衛東半壁繞邊牆香
山卻出邊牆背炎風五月雹如雷捧檄行勸香山災路窮
巖斷百里許始見屋角烘煙煤居民迎謁舞相屬我僕已
疇車卸軸呼令喚米充一餐山中食草不食粟夜深月黑
人奔波太息柰此官供何口道草名手摩抄邊巡余側那

忍訶一種頭垂如羽葆名曰沙蓬出沙杪一種微窪谷下
苗厥名水蓬類蔓蒿沙衝水沃蓬生少水激沙穿蓬見高
別有綿蓬葉瓜碧入夏軟現兜羅色青裹小婦淪殘冰三
種齊烹待官擇土氣苦腥味苦澀舌本閒強嚼不得推案
置之長太息問民啖此經幾秋豈無五種田可糴民言寧
夏河爲塞此山巉巖懸河外禹時棄地秦時據偶有人民
雜魍魎枯暑駮霜陰氣涸重霾軋露陽施閉舍南老翁面
凍黎知春不知楊柳梯病思清井澆肺渴雪盡卻飲沙中
泥先時父祖營耕壟萬畝劬山山脈動短苗初茁冰花開
又報沙蟲大如蝻官耕委棄如土苴子孫啖草爲生涯草
少人多日一啜飢腸宛轉鳴繅車昨尋薦地西山麓牧放

牛羊盼年熟胃可充食皮可衣贏得餘資作稔粥電災瞥
過旋成空牧場死骨撐青紅老鴉惡鴟飽狼藉五更往往
號腥風東家西家淚沾灑回看蓬草嗟凋在謝天再拜乞
天慈但願歲蕤得長採我聞此語感且吁大哉天地何事
無記我南中歲無恙廩困遮迤如屏障市橋豚酒滿眼酷
老饕未饜猶惆悵自從作吏來邊關邊黎照眼飢羸癡年
年濬渠漑河堡渠河不到成河灘巡梢放聞訖無暇赤手
那補地角利每聞流亡夜輾轉忍竭膏血營炮燔豈知香
山近咫尺性命乃有懸草菅人生九土共覆載不著食籍
良可歎行告爾主發陳廩漏澤一線回天慳語闌攜粟疏
所記客次蕭颺北風厲莫怪我詩多苦聲請官嘗此三蓬

羹

承天寺西夏斷碑歌

藝祖首除藩鎮強虎符合豹中樞藏降王爭執仗下挺逋
寇未下河西羌夏州保忠族內附繼遷假息招叛亡地不
過漢一大郡折筆答之如犬羊誰遣與孰自剖裂坐使神
器成皴皴獨能二百六十載鼎峙夷夏爲雄方先時鬼理
慕華俗窄衣野服歌慨慷文思起草學士院兀卒署字藩
臣章九經旣頒科目建頗革鳴響慕鸞鳳春秋叛人例不
舉左右記注無賢良至今草木盡頑憤遮迥但見黃雲長
承天蘭若亦傾圯有石斑駁螭首僵圖書灰滅此獨在剝
落不足搗硬黃向來郡志已訛闕何況經今數十霜攤書

布席就轡校強測脚駐推偏旁一碑天祐十數字攝提歲
月俱渺茫一碑天慶刻者半揆記畧識羊與張銀棺舍利
瘞幽閔令我循誦生感愴百年殺人若麋沸八功德水誰
乞將然猶以此誇種落稱壽母后諛今皇南渡宋亦小朝
耳山河牛角汴入杭獨留一碑笑千古元祐黨籍書姦猖
姓名刊列德星聚坐使機杼生光芒如此斷跌何足惜覽
古一嘯西風狂

李彩邦自都中歸得弟湜甫手書并聞劉茶川出部
京國多年別西風一紙書弟兄流落後朋友死生餘暮色
浮金井秋容澹玉除因君問消息愁絕幾沾裾

吾弟春前別經今聽暮笳五陵裘馬地黃酒向誰家三尺

孤榮短三千箇，賸賒好從唐。舉相富貴幾年華。

村居納涼

雖霓挂新雨，招涼滄海東。瓜瓞浮夏綠，榴實殷春紅。溜古寒通月，簾疏暑颺風。角巾無一事，揀字課兒童。

十畝青溪畔，當時耕鑿深。黃雲割秋色，金井落商音。藤角從支枕，荷衣不滿襟。乾坤容一嘯，老著故山林。

九日蘭州道中懷弟湜甫

行色兼秋晚，離蹤賸路長。河橋一樽酒，關塞五重陽。戍柳寒無葉，歸鴻遠斷行。且當逐黃菊，採擷侍餼糧。

漠漠大河陰，危欄此一臨。積風兼雪起，關瘴入秋深。疲馬星霜抹，微官老病侵。茱萸滿愁鬢，嗟爾弟兄心。

季冬至阿蘭鄯國王城南勘獄踰山涉磧往返盈旬
日淒然有關塞之感焉以詩紀之

衙鼓破朝醒怱怱草檄行馬寒嘶遠道官久習邊情野闌
河西部山通徼外城憑軒申漢約須遣勃谿平

西去循空磧隨行載襍衣人煙野蕭瑟戍火暮低微近塞
山能走衝鷄石慣飛癡酋驚問訊前尹到來稀郡西百里皆沙灘起

伏不常人煙絕少惟平羌鎮北置二戍所

託宿依山下凌晨到賀蘭邊風緣石起巖雪一天寒遠堡
飛鴉入重城立馬看清時不在險攬取桔槔殘山上望亭臺等

城如咫尺惟陰晦不見

赤木何年種霜花綴短條夕陽纔度鳥絕徑此通樵道

中原盡天橫大漠遙邊牆遺甃在泚泚說前朝

赤木口在賀蘭山頂

仄僅容車乃寧夏蒙古分界處
以時有邊牆一道今遺迹尙存

百草無人境荒天丁以車路盤蝸角迴迹踵兔迹餘野火

千靈聚陰風萬壑嘯迢迢區落外貴種問且渠

過山皆大積路孤離

不可行陰風獵獵
獵令人寒慄

國典徵瓊舊家私數牧回

國以瓊瓊供稅牛
羊多者爲富室

席箕平旱海

權策走春雷霧日腥相雜風沙糝不開牛羊將野色迸入

拂廬來

地無村落日斜時稍見旃廬數具僮奴驅
牛羊數羣置廬前後其人皆聚於廬中

昔席臨碣展旃廬入夜扃冰聲漸軟戶

旃廬俗名軟
屋亦曰軟戶

天影

卓高橋

廬惟頂上
一窗通天

漢月看成憶胡笳卧獨聽鄉心正愁絕

沙塞晚冥冥

夜分殘月入窗忽驚
沙併落天黑如漆

歐脫賢王地分藩比內臣山根橫睥睨星市接鈎陳羌女
焉支色胡絃邏沙塵開筵觴捐馬風雪坐生春

時風雪頗大國主致

館招候款
接甚厚

行役歲將晚婆娑不暫閒傳符稽信宿斂板爲痾瘵旅夢

三邊外浮名一都間戴星吾早發轅下幾人攀

郭外商民雜處事涉

蒙古令其首酋傳質務
在平情稽程蓋三日矣

山角晚雲收清笳起戍樓使星天外入關月漢時畱軟腳

樽堪把更番吏合休會須裁樂曲畫壁賸涼州

二月偕富治川部耶至鄂爾多斯游牧按獄途次偶

成四首

共有邊庭役過憇筵節巡君爲典屬國我亦小行人白日

黃蘆晚西風遠歷春前朝戎馬地曾此絕河津

關外望河壩河深北岸懸野昏雞鹿塞冰合鵝鶻泉戰地
空尋壘洪荒不昔年三山斜照入半壁是廊延

蝸角橫尸處鹽西負弩將笳聲緣礪迴鳥路崩山長筆點
春前凍冠我微外霜還憑老重舌傳語法三章

帳寒銷不盡歸路已斜曛騎士雙鷗羽奚官萬馬羣邊春
迴隴右關月極秦分老逐西都護橫城看暮雲

次韻孫五石溪見寄之官寧朔之作

邊邑卧無事清琴聊一揮秋高乘鄣出春晚上河歸野色
三城古軍書五道稀承流宣虎節不假折膠威

君問新秦部腥塵互晦明行廚供麩白官廡入茭青宛馬

通蕃牧旃裘拜漢庭故應逋客遠移檄草堂靈

之激浦作

邊沙吹面苦徽薰尙有楊花爲拂隄笛裏西風無鳥度舟
中秋雨一猿啼天光入峽看疑巖石路穿雲覺有梯大酉
山前迴首處謝家詩草昔曾攜

送弟湜甫之均州次劉茶川韻

客蹤流落似萍花太息吾生豈有涯此去看雲還念爾可
能見月不思家漢南柳色三町盡均口西風一棹斜買取
宜春新醞好中宵津鼓被寒嗟

用前韻戲贈張小令

病起維摩嘆落花夢中珠箔渺天涯南來白袷愁孤館別

後新收損內家雙槳波橫桃葉渡流蘇月暈玉鈞斜他時
重理刀環約試聽檀槽有怨嗟

衙退口占二首

不向明時理釣竿三年影組塞雲端屯田古亦關軍實邊
粟今猶仰縣官煙火幾家希舊井徵書五府急飛翰晚衙
便覺西風厲速忍滿庭霜露寒

一方民聽徹天高百褶魚鱗小兔毫敢罷催科矜撫字須
知沙塞異神臯隄繇未起溝中瘠戶版猶攤額外逃刺史
六條威望重呵余程督實倉曹

青銅峽大禹廟二律

青銅兩岸柳依依禹廟中開石穴微自昔泥橈閘底積至

今雲牖閣朝暉九邊魑魅趨金鼎五服山龍上衣衣正是
渠工齊舂鑄桃花春水萬夫祈

陵谷遷流不可論渠搜故道頁名存

寧夏郡卽禹時渠搜

明裡地有

巖廊古羅拜人瞻穢冕尊海色西偏分大漠河聲北折走
中原吾生端委眞堪念爭忍將身負 國恩

登黃鶴樓

雲篆丹爐劫火沉尙餘樓閣此憑臨乾坤漭漭浮江漢城
郭纍纍閱古今幾處布帆催曉發四山涼雨作秋深嗟余
家住清湘浦只隔湖雲一片陰

黃鶴樓小飲至暮

青梅作弄晚鴻前碧玉枝輕手帶煙水闊荆吳供遠眺夜

寒星斗入高眠同渠一醉樽中海從此忘機地上仙且欲
扣舷江北路風清月朗不論錢

赤壁夜泊

清得寒煙作晚炊渡頭官柳不勝垂賦詩橫槩非吾事對
酒當歌要此時夜月江空飛鵲迴西風秋老片帆遲座中
亦有吹簫客莫遣烏烏感鬢絲

洞庭舟次

洞庭歸棹起神鴉稍喜湘山望有涯落木始波妨細雨片
帆秋影帶孤霞蘆肥洲渚漁成市橘足鄉園酒易賒明聽
北風人喚渡一灣清淺是長沙

舟中口號

黃鶴開邊雨洗塵手持樽酒賽湖神江風下水須看客關
月中宵始近人薄暑未拋團扇白輕寒初展袂衣新湘鬢
十二雲旗迴輪與鞭鸞自在身

村夜

鄰里猶聞夜作聲月中人語幾人行披衣四野露初上彈
指西風秋欲生院靜燐螢開闔影村深鷺鳴短長更垂垂
南畝鴉黃色眼見甌窶早晚成

予將以謁選入都訪鄢五丈方亭於淶陽山中晚因
留宿敘別言懷值其誕辰并致稱頌之詞云爾

塵旄附驥強飛騫曾有嚴詩入杜編載酒重經安石渚
時謂賈廣陵田友朋傷別中年事風雨前期一夜眠更道

弧南謂令旦壽眉分喜到賓筵

射策談經術已疎十年隨牒達方君吾行會及鶯花好此
去榮沾升斗餘元結一官真浪漫達夫身世本樵漁他時
望氣君將隱少假從容著一書

發寧夏詠懷四首示諸子

積雨河關阻尺鱗鄉心誰似宦遊人已看邊馬嘶行色更
有垂楊慘去塵莊烏病聲兼越楚田生情緒半君親 國
恩未報家多難翹首天涯淚滿巾

衙鼓聲高羽檄催六年宦迹此爐迴一官首鼠成何事四
野哀鴻損吏才治賦陽城餘慷慨哦詩元結愧招徠可憐
兩部清笳曲卻向河橋送我回

邊城春盡曉猶涼，
擗觸歸心逐日忙。
匹馬去經秦塞遠，
峭帆從挂楚雲長。
胡威有相充官物，
陸賈無金作客裝。
贏得隨行六男子，
時惟五男一孫隨任，
橈頭玉照琳琅。

吾衰無復宦情濃，
版謁朝參意久慵。
便擬煙霞成痼疾，
肯將腰膂試龍鍾。
好官枉憶羊元保，
薄祿聊同郇曼容。
寄語家居老同叔，
謂弟是甫，
爲余先買蜀山筇。

秋荷

日暮暝煙生古渡，
天清明月浩江波。
芙蓉老盡愁如許，
欲寄相思奈晚何。

秋柳

細縷芳煙化作萍，
相看無復倚青樽。
前誰唱屯田曲，
殘

月西風不忍聽

詠史

五利文成竟伏誅
人間何處有蓬壺
君王卻起蜚廉觀
祠具紛紛用越巫

塞上

偷塞西風捲地鳴
單于夜獵控弦聲
軍中苜火如星列
傳矢三更盡上城

梁楚功臣一劍除
空餘屠狗佐皇儲
平城曾下閼氏拜
誰與娥姁雪嫚書

單于臺畔弭魚旂
尺一遙憑使者傳
十八萬軍宣武節
漢家天子自臨邊

沈州志卷第一
三
恩恩戰鼓震平涼誰遣要盟狎虎狼
淪柳蘭州焚伐盡他時父老泣先皇

虎落分防塞下秋水堅又戍海西頭
西風吹灑三河淚並入寒澌不肯流

黃雲捲盡出星河威粟城頭夜按歌
一種居延海西月清輝不似漢關多

蓬婆雪嶺鬱屏顏馬上西風送雁還
不信金闈千里夢等閒隨月度蒲關

沈州志舊集卷第一百十終